

Broj: 01- 02/2-1478/25 SK/AO
Sarajevo, 07.07.2025. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM**

**n/r gđin Dragan Mioković, predsjedavajući
n/r gđa Alma Kratina, poslanik**

**VLADA FEDERACIJE BOSNE I HERCEGOVINE
n/r gđa Edita Kalajdžić, sekretar**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:		08-07-2025	
Org. jed.	Broj	Priloga	Vrijednost
05/1	-02-	276	/25

Predmet: Odgovor na poslaničko pitanje, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-276/25 od 30.05.2025. godine, i akt sekretara Vlade Federacije Bosne i Hercegovine, broj: 03-04-1051-14/2025 od 04.06.2025. godine

Poštovani,

U vezi sa poslaničkim pitanjem koje je, na 21. redovnoj sjednici Predstavničkog doma Parlamenta Federacije Bosne i Hercegovine, održanoj 28.05.2025. godine, postavila Alma Kratina, poslanik u Predstavničkom domu Parlamenta Federacije Bosne i Hercegovine, a koje se odnosi na donošenje podzakonskih akata utvrđenih odredbom člana 89. Zakona o ustanovama socijalne zaštite Federacije Bosne i Hercegovine („Službene novine Federacije BiH“, broj: 64/22) (u daljem tekstu: Zakon), odnosno da li će ti akti biti doneseni hitno i da li će normirati sve ono što treba. Drugi dio pitanja se odnosio na finansiranje i pružanje usluga. U vezi sa navedenim, informišemo Vas o sljedećem:

Podzakonski akti predviđeni članom 89. Zakona nisu svi doneseni do danas iz razloga što je za njihovo donošenje potrebna uključenost ostalih nadležnih ministarstava. Konkretnije, spomenutim članom se tačno navodi ko donosi određeni podzakonski akt i koji podzakonski akt se donosi u saradnji kojih ministarstava. Federalno ministarstvo rada i socijalne politike je po stupanju na snagu pomenutog zakona, više puta i na različite načine intervenisalo kod ostalih ministarstava kako bi svi podzakonski akti, predviđeni članom 89. Zakona bili što prije doneseni.

Napominjemo da, usljed ne donošenja navedenih akata, Federalno ministarstvo rada i socijalne politike, kao nadležno Ministarstvo po pitanju ustanova socijalne zaštite Federacije Bosne i Hercegovine, nije u mogućnosti dosljedno primjenjivati određene odredbe Zakona, kao ni vršiti adekvatan nadzor nad zakonitišću rada ustanova. Pored toga, Federalno ministarstvo rada i socijalne politike je u više navrata, pružilo podršku ustanovama socijalne zaštite kroz poduzimanje konkretnih mjera.

Kada je u pitanju finansiranje i kvalitet usluga koje pružaju ustanove socijalne zaštite, članom 66. Zakona je propisan način finansiranja ustanova socijalne zaštite Federacije Bosne i Hercegovine. Uz uvažavanje zahtjeva upravnih odbora ustanova socijalne zaštite, za povećanjem cijena usluga korisnika ovih ustanova, Federalno ministarstvo rada i socijalne politike je dalo saglasnost na povećanje cijena usluga korisnicima na smještaju u ovim ustanovama za 2025. godinu. Pri podnošenju zahtjeva za saglasnost na utvrđenu cijenu, upravni odbori ustanova su dostavili kalkulaciju cijena prikazanu kroz svaki stepen podrške u sva tri segmenta (socijalno zbrinjavanje i socijalna podrška, zdravstvene njege i odgoja i obrazovanja), što je kako je već navedeno, Federalno ministarstvo rada i socijalne politike smatralo opravdanim. Također, ovo Ministarstvo pruža finansijsku podršku ustanovama socijalne zaštite i na druge načine, posebno kroz kapitalne i tekuće transfere budžetskih sredstava.

S poštovanjem,



Dostavljeno:

- Naslovu
- a/a